

吾主聖誕前第二主日

聖若翰避居國都郊外。若爾當河之濱。惟以修己勸人領洗為務。身潛一隅。聲聞四達。傾心頌仰者甚眾。時都人士。有疑其為救世者。未決。命數人往探之。問答如左經。

經 聖若翰 第一篇

維時如德義

本國人共名也。國曰如德亞。人曰如德義。

自日路

撒冷。遣撒責及勒未達。

撒責。主祭之位。共名。勒未達。副祭之位。

位。下撒責一級。造若翰問曰。爾為誰。

言國人久望救世者來。師

聖誕前第二主日

卷之一

似足當之。請明示是否。迺認。且不諱。認吾主之高。不諱自身之卑。

認曰。予允匪契利斯督。言救世者之德超絕。吾德甚微。曷敢

妄冒此至尊高之名乎。爾輩次問曰。然則迷矣。斯問毫無與于我也。

爾為厄理亞。厄理亞。古教先知者之名。事見封齋後第二主日。是時厄

理亞已逝世九百餘年。國人之有此問。蓋因古經記厄理亞活活騰空去。泯其踪跡。

不知何在。度必有時復現于世。今曰。否。使國人視若翰盛德。因疑即其人耳。

者又次問。爾為預知者。曰。亦否。若翰誠為至高預知

者。今不自居者何。曰預知者有三品。一。預知未來者。如古教有多聖人。蒙天主默照

知未來事。以誠世人。是也。一。上知己往者

如每瑟聖人。天主默照。令知開闢來人所

不能知之事。以傳于世。是也。一。知現在奧

理。如若翰聖人。天主默照。令知吾主為真

主。引人敬從者。是也。三品之中。第三至高

非當時國人所知。其所問。疑指前二品。故

直答曰。否。乃

真實語也。使者曰。爾果誰。予將反命。爾

量爾何若。曰。予若義撒義亞言。允為聲呼

於曠野。以治主途。主途。指靈魂。為迎主之路。治者。謂備信。望。愛。諸

德。猶言吾本分在發聲勸人。時使者悉法

修飭靈魂。以迓將來救世者。利色義。法利色義。譯言。分別者。因其人潛

修苦已。別于庸眾。故名。又其職在

敷教。嚴禁邪言。雜于其間。今聞若翰化導
國人。不知其教真否。因往詢其人何人。其
教何。復問曰。爾既匪契利斯督。亦匪厄理
亞。亦匪先知者。曷授洗於人。答曰。予惟以
水洗人。聖若翰雖付水洗人。非能洗滌罪
愆。但預示領聖水之像。以開其路
耳。故其。爾等中已居。爾等自莫之知。深責
答云然。爾等中已居。爾等自莫之知。深責
彼人
迷惑之詞。言主已居在爾輩中。舉目可見
而爾自懵然不知也。達未聖王預指其迷
者曰。其目盲暗。不覩光明。又天主謂彼輩
曰。爾心如服引睡之藥。爾師閱經。如閱緘
固書。猶云。舉國人盡昏迷。如服引睡之藥。
沉寐不覺。其師釋經。不達隱意。如視封緘

之書然。又嘗責之曰。燕鶴等鳥。遇冬知去。
遇夏知歸。牛知其主。羸知主棧。而吾國獨
不知我。厥來予後。有二解。一指主降生言。
蓋主降孕時。若翰已在
毋胎六月。故齒長。吾主半載。一指主出講
曠世言。蓋若翰猶吾主之火炬。先來引人
認主。然後吾主方。厥成實予先。成實。言諸
出親傳聖教。故云。厥成實予先。德之完備。
蓋謂主雖年齒與敷教稍後于我。而德位
聖寵。及渾全超性諸妙。其先于我倍萬不
啻。予猶罔敢親釋厥綦。猶言。真主最爲尊
高。吾最早小。尚不
敢近爲
其僕御。前事悉行於白大倪亞。若爾當河
之後。是即若翰授洗於人處。白大倪亞。地
名。國內有二。

一。離京十里。一。往東在若爾當後。離京一百二十五里。經指後者言。若爾當。河名。譯言審判之河。其源有二。一名若爾當。一名若爾。茲合名若爾當。

箴

爾爲誰。此使者問聖若翰。欲識其是主與否。是則敬。否則棄也。吾輩當法此意。轉問世物爲何物。以辨其重輕。夫世人所重且愛者。富一。爵一。樂一。是三者何可弗一問耶。聖基所曰。世間富厚爵位喜樂。浮塵耳。微灰耳。飛烟。幻影。枯葉。朝花。虛夢。童戲。飄羽。流水耳。言皆時刻變動。卒莫知其停泊之所在也。繇此觀之。輕乎。重乎。

貪財者。日勤貨殖。試問財爲何物乎。主曰。此荆棘也。惡物也。其財。僞財耳。說見封齋前第二主日。及聖神降臨後第八主日。好尊者。戀圭爵。固榮寵。欲問爲何。經曰。卉之屬。花之類耳。風發。速萎枯矣。又云。國位若黎明然。蓋黎明之景。不越片晷。日出輒散。豈能恒久乎。聖雅各伯宗徒瞻禮有本論。

迷慾者。欲問爲何。經曰。人肆于慾。猶豕展轉污潦之中。犬啗哇吐之餘也。穢哉。聖神降臨後第二主日有本論。

爾爲誰

使者置已不問。乃勤問聖若翰爲誰。惜哉。世人大都類此。務察他人

而懵懵于省已。古賢畫一人肩懸二囊以狀俗情。其囊一在前。一在後。前者喻納人過。後者喻納已愆。人過在前。恒視而摘之。已愆在後。忽而忘之耳。聖巴西畧借目為喻。曰。人目外觀萬物。不及視已。欲辨已貌。借照于鏡。吾靈亦有鏡焉。廻吾心之光以照本內。自省自問。我果何若。則瞭然知已矣。古有預知聖人。神目倏見竒獸。具有四面。一視前一視後。一視左。一視右。聖額我畧解曰。是乃知己者之象。前後左右。無不周到。視已之前。已果何在。無耳。空耳。視已現在。苦耳。患耳。視已之末。灰耳。垢耳。視已沒後。德賞耳。惡罰耳。而已之為已。豈有不可知者哉。詳見聖灰瞻禮。

予為聲

斯答。喻世物之輕也。如右箴有問。聲。浮氣耳。過而不存。世物如之。豈足重乎。世物比之氣。其故有三。

其一。氣甚輕。甚薄。人身負三域而不之。屈。無有覺其重者。彼夫高爵厚祿。為累頗重。而嫌其重者。無之。雖至享有四海。崇高富貴。世莫與京。而其心猶歉然若不足。蓋人心量甚宏。惟天主能充之。世物之微。安能饜足哉。古今聖賢欲明世物之勢。恒引多喻。聖基所比之暴君。謂暴君戕身。物欲戕心。暴君雖有萬乘。猶浚民膏。不饜物欲。在心如火。然薪愈增。焰愈烈。得彌侈。貪彌賒。有古賢欲摸貪態。刻一人像。繞以毒龍。毒氣攻身。侵入其腹。渴劇。厲聲呼曰。內火太猛。徧體熾。

矣。有二侍女。一急汲水。一急與飲。愈飲愈渴。其聲愈厲。此蓋貪者之正像也。毒龍貪情也。貪情入心。如毒透身。火熾體。財愈聚。愈不足。雖罄四海之富。莫能止其貪也。聖尼色諾曰。貪心如漏甕。旋貯旋洩。卽盡海水。安能實之。色榻加曰。貪者若饑犬然。犬饑。主人擲以骨。急張口。喻之。旋望再擲。卽傾席而與。不足饜其求也。貪者未得求得。已得復求。所未得。其情狀何以異此。

中古西有國王。歷山爲百國長。聞域外國土尚多。乃浩歎泣下。侍臣問故。曰。悲哉。屬聞寰宇之國。不可屈指。予無有其一。是以泣也。時有編詩而嘆之者。曰。異哉。王之貪矣。位高地廣。富足以饜王心。而莫以盈其願矣。世物本僞。本虛。而真

實視之。歟。異哉。王之貪矣。

又古巨王撒落滿。嘗自謂曰。宮殿壯。吾居處苑囿。適吾遊觀。服御臣妾。供吾使令。業已備矣。富饒度越。往古珠玉珍貝。聚積如沙。極吾心目之所願。隨取隨應。而莫之禁。世樂至此。不旣盛哉。乃囿思經營。保守之苦。勞心計。瘁股肱。蓋旦夕莫遑焉。嗚呼。吾樂虛樂耳。富者後形之資。貴者鑠心之具。烏足滿志哉。噫。若王者。庶幾知處盈之道。而世物之輕且薄。亦可見矣。

聖伯爾納。納曲摸世情。虛幻有曰。天主賜我神目。見三狂人。一坐海濱。勤勤相沙。咽之不容口。一身邇疏黃之池。俛首張頤。而鼻飲其氣。罔厭焉。一身躋塔巔。大

其口迎風。喻之。聖人解之曰。吞沙。勤聚財人也。吸硫。迷穢慾人也。居高。喻風。喜傲貪名爵人也。噫。世富世樂世貴。何益人心哉。能踞人心。弗能滿心。猶之沙氣與風。弗能充饑矣。

其二。氣聚散不常。倏忽遷變。世情盡然。夫人朝豐夕窘。朝榮夕悴。朝樂夕悲。安有定象。聖基所曰。世物。偽物也。僅入吾手。卽颺去。又曰。世物如川流。不頃刻停。是謂流物。流物則不可愛。愛之則與同流矣。其三。氣人所不可無。又不可過盛。無則死。過盛亦死。惟得中爲貴。卽世物豈可全廢哉。貲與用稱。亦足養身以及家。惟過取而溺于貪。陷于非義。必不可耳。撒

落滿求天主云。吾主。過富過乏。勿以與我。求賜適用。足矣。經云。今日與我。日用糧。是也。嗚呼。用貴得中。而人昧焉。用之無節。取之無厭。而靈心隨之以死。若氣聚人內。非壅塞。則中滿而沒。噫。愚矣。

予爲聲。世物悉爲聲。高呼。令人識認天主也。天之上覆聲也。俾人知天主之尊高無限。日月星辰之光明。聲也。俾人知天主之章美無限。地之豐沃。聲也。俾人之靈。聲也。引人知天主之靈照透達。亦無限。以及萬物無巨無細。莫不皆然。經有聖詩咏萬物共言曰。爾衆齊集。請偕予同聲。忻誦真主。彼實爲吾輩之主。吾不繇吾而繇彼。彼也。治我若

人主之治人。而牧我若羊。牧之牧羊。又云。讚主光榮。莫大于天。天無口舌。而下徹普地。聖基所解曰。天無口舌。而本體之超妙光明。即其口舌。讚誦之聲甚高。引人仰聽。知必有一造天大主。惜乎人心蒙塞。自閉其耳。萬物高呼。其聲沸騰。而莫之聽。卒不知有真主在也。哀哉。

聖經聖賢常云。萬物爲天主之道路。及天主之形迹。其意猶聲音之謂也。蓋謂天主純神。無形無聲。本難測識。惟視一切世物。度難自辨自立。因知必有躬立之主。是世物引人知主。如路引人率繇。故謂道路也。又天主以全能。躬造萬物。使各得其當然之妙。人視物妙。則知更有至妙大主造物者在。如視塗中足跡。

即可循以追尋其人。故謂天主之形迹也。柰何舉世沉迷。日履主路。日踐其迹。而莫之認識耶。經深異此輩。謂不知真主。爲至愚至癡者。此也。

治主途

途者何。吾人平生所行者是。蓋吾輩皆旅人。吾生猶路。入世與程。出世即已。生時繕修。死則已焉。凡匠石治塗。必備界線。界尺諸器。舍是無由平直。神路之修。亦有其具。主誠主訓。主德。皆所以致平直之器也。聖巴西畧云。神路爾生命也。爾正爾生。則神路並正。爾務屏愆勤善。則神路整理矣。又云。道路有二。其一。窄狹。指天堂之路。其一。寬廣。指地獄之路。戒之戒之。寧趨窄狹。勿入寬廣也。主曾嘆世人曰。地獄之路。大哉寬哉。入之者衆矣。天堂之路。小而窄哉。入

之者寡矣。
可嘆哉。

予猶罔敢親釋厥綦。

光榮哉。吾主謙遜哉。若翰也。夫以若翰大

聖。猶不敢匍匐近主。親為脫其屣帶。則吾主之尊高可知。而若翰之卑以自牧。亦併見矣。

賢者解經曰。若翰之謙固大。然亦當然之謙。非過也。蓋吾主真是其主。彼真為後。主實造彼。而彼受造。主位無極。彼位有限。主光大如日。彼光微如燈。主聖之大海。彼聖之細流。自謙尊主。理當然也。

吾主聖誕前第一主日

吾主在世二十九年中。悉與聖母及聖若瑟偕居。歷年既久。盡厥孝道。躬立謙德之準。甘貧忍勞。同聖若瑟斧斲為業。迨後將出敷教。乃先默牖若翰聖人。隨處勸人認主敬從焉。

或問。吾主敷教。必若翰先出為證。何。曰。人久暗居。忽覩大光。目必受損。先令習視小光。後當大光。乃可無眩。世人神目昏翳久矣。吾主之光。若太陽然。世人豈能直視。遽認為主。而信從之。故令若翰之小光。預出作證。俾人先聽從。後從吾主。為更易也。經曰。主實為真光。實為太陽。若翰為燈光。非為真光。但為真光證。